

辟  
雍  
紀  
事

辟雍紀事二癸未至甲辰凡二十二年

成祖

永樂癸未元年二月初設北京國子監○擢國子生孔復楊鈍劉先等八人爲御史○吏部奏取通經監生三百名送翰林院考試選補訓導缺員○四月又擢國子生余得祥梁觀潘熙和爲給事中張政原汪俊民趙能爲御史○用姚廣孝薦陞國子助教王達爲編修達過北平私謁上上大喜建文時陞助教至是改今職歷陞侍讀學士總裁大典兩知貢舉嘗獻視學頌○六月

高皇帝尊謚禮成賜宴國子監官皆與進實錄則惟司業張智輿焉○擢纂修官吏部郎中徐旭爲祭酒○十一月日南至

上御殿受朝賀大宴羣臣祭酒徐旭與焉○十二月命禮部遣監生三十餘人分詣天下軍民之家有收藏

尚廟御製詩文及宸翰皆送官錄進仍重賞之○以纂修効勞擢騰寫監生鍾子勤等四人爲中書舍人梁逢吉等十人爲御史已又擢用監生張恂郭

宣等十人爲給事中汪必宣等十人爲御史○陞  
漢陽授孫貞爲國子助教貞字宗正豐城人穎異  
力學洪武辛未貢充國子中祭酒鄉試甲戌副榜  
得教授紹興後以父艱服闕補漢陽漢陽久無科  
目貞教之甚力後賓興赴試者十二人十一得雋  
奏教績遂爲天下最秩滿陞助教其學一以靜爲  
本周卹親故嗜義若渴後考最陞博士加從七品  
祿貞嘗署監事作類姓簿以籍諸生有事求其人  
保姓卽得之畧事凡一年後以次子編修曰恭封

解任時母年八十朝夕娛侍于舍爲歡四子長曰良御史叔季曰儉曰讓各以教職起家俱能其官年七十有五無疾而卒所著有竹齋集行世

○甲申二年二月擢監生李矩等十四人爲御史○四月簡東宮寮屬以博士徐善助教晁鑄爲左右司直郎博士楊彬爲右清紀郎○擢監生湯銘游顏朱政等八人爲給事中○五月改祭酒徐旭兼侍讀翰林院修撰會禮科奏旭書奏不謹當降上問吏部尚書蹇義曰旭爲人何如義曰有文學持

守而于人寡合

上曰持守之人固宜寡合蓋其中有所主故不能脂韋依附丁外況兼有文學乎宜置之近侍遂改是職旭字孟昭饒之樂平人○六月命翰林院出題更試下第舉人擇文詞優贍張鎡等六十人召見皆賜冠帶命送國子進學以待後科○吏部奏諸司廩庫監生有一年未授官者而內府辦事輒半歲待官是有政務者反遲也今後內府辦事完日定例給賞依次歷事出身從之○九月陞諭德胡

儼爲祭酒儼字若思南昌人○徵前卽墨簿周岐  
鳳爲國子學正鳳名鴻以字行吉水人洪武甲戌  
以經明行修薦授桐城訓外覲去服闋擢主卽墨  
簿平反冤盜凡四十五人坐累赦免至是徵授學  
正未幾陞漢府紀善○是歲因監生太少題明年  
依洪武二十五年例令天下府學歲貢二人州二  
歲三人縣歲一人從之

○乙酉三年正月

上以學政廢弛詔令申飭祭酒胡儼請申明洪武中

所定學規

上曰此學子科條抑法耳爲師範者當正己爲諸生  
先○九月修國子監祭器成○以張顯爲國子學  
正顯字緝熙奉新人自幼岐嶷不羣洪武年薦除  
訓導尋擢爲靖江王授壬午內難平選入中秘書  
與修實錄

○丙戌四年二月擢監生彭進等十一人爲御史  
上以

太祖嘉禾詩勒石裝潢成軸賜祭酒司業時惟諸王及



閣部大臣有賜○三月

上視太學行釋菜禮先是禮臣鄭賜言宋制謁

孔子服韠袍再拜

上曰見先師禮不可簡必服皮弁行四拜禮禮畢

御養倫堂賜祭酒胡儼坐講經儼講尚書堯典智

講易泰卦俯聽甚悅大臣及詞臣皆賜坐講畢賜

茶次早儼等率諸生上表謝賜宴于奉天門監生

宴于丹墀賜監官紵絲衣二襲一襲有差監生鈔

各五錠命工部修

太祖詔書碑亭

上親製視學碑文對峙焉大學士胡廣等各賦詩紀  
事○七月司業張智卒智生而聰穎讀書過目成  
誦用薦入國學四方兵興省臣承制授智同知新  
喻州尋弃官歸入建陽山中讀書洪武中以明經  
應薦爲夷陵州學正凡九載超拜禮部左侍郎未  
幾實授右侍郎復以事左遷國子學錄尋陞博士  
建文中陞司業嘗奉詔代祀孔子于闕里博士  
王紳詩送之中有肅將豈無人願屬耆德臣精誠

身事二  
莫有托達此皇意渥之句卒年七十有二○陞博  
士趙季通爲司業通字思道天台人○是年又擢  
監生張弼等五人爲給事中宋仲祥等四人爲御  
史

○丁亥五年三月禮部選國子生蔣禮等三十八人  
送翰林院四夷館教習番夷翻譯文字分爲八館  
曰韃靼曰女直曰西番曰西天曰回回曰百夷曰  
高昌曰緬甸○安南平祭酒胡儼獻頌尋召入翰  
林院供史職命戶科都給事中胡濙代署監事濙

字元潔武進人○九月陞監丞王俊用爲光祿寺丞○擢監生李琳爲山東道御史○陞國子典籍金礪爲助教礪字汝用仁和人洪武末以鄉薦高等授教職秩滿當陞僅擢國籍時四方書版多送京師礪力爲修整護視梓傳得至今不朽者皆礪力也九年滿奏最僅得今職

○戊子六年二月署監事胡濙奉命巡遊天下訪求異人胡儼還任○三月擢監生回謙孫儼等六人爲御史○七月改司業趙季通爲北京國子監司

業時北監初成

上慎重師臣之選適學正張顯秩滿陞國子監丞六館士咸歸之朝議以顯素諳典章推往北勸懲淑慝百廢具興○是歲復擢監生党忠宋載胡渙周鎬劉誠白永年等十四人署六科給事中○用胡儼薦陞修撰吳溥爲司業溥字德潤崇仁人弱冠舉孝廉不就爲邑諸生受春秋于前進士李原成文藻大見稱賞庚午領鄉薦以疾弗克上春官尋罹父艱服闋入爲太學生嘗奉詔宣諭武臣使滇

青衿文綺不受尋使八閭閭士伍一無所私比還  
太學時太常丞張顯宗攝祭酒事嚴毅方正于諸  
生中獨器重溥廣爲延譽建文庚辰試禮部第一  
廷試高等擢編修陞修撰猷特擢之爲貳焉

○己丑七年又擢監生汪藻等六人署六科給事中

○二月

上北巡 太子監國禮部啓會試得中式陳璉等九  
十五名命送國子監進學俟車駕還廷試○三月  
擢監生劉子輔朱侃王渥等爲御史○禮部啓副

榜舉人孔諤爲首

皇太子查係聖裔卽賜冠帶送國子監讀書尋擢爲左中允侍從青宮○七月召祭酒胡儼赴行在○庚寅八年正月

皇太子命試給事汪藻等俱實授又擢監生許堪等爲御史○二月命胡儼侍 皇太孫監國入文華殿講經兼知內閣

皇太子又擢監生郭良周順爲給事中已又增沈和等六人聶獻等四人皆署職復擢監生孫昇爲

監察御史○十一月車駕至自北京司業吳溥率諸生奉迎胡儼扈從回獻平胡頌

○辛卯九年三月擢監生陳模王杲等八人爲御史  
○六月旌表孝行監生張翼以其廬墓有慈烏繞樹之應也是月又擢監生胡良誠等五人試御史  
○七月典簿廳呈言本監見在并辦事監生共五千六十二人膳夫該用二百二名今少八十二名合關禮部行應天府量撥厨役或倉脚夫暫供應用仍行法司審囚徒充當從之



○壬辰十年三月以天將暑令監生史彬等七十二人同進士荆政芳等分撥十三道問刑慮囚○擢監生程玖爲中書舍人隸翰林院書制敕○四月又擢監生張勤等十六人試御史○賜祭酒及監官官民生等四千二百三十人潤白苧布八千五百四十疋○八月陞北助教貝泰爲北司業○命學錄王讓侍 太孫說書以讓素有孝行故也尋陞北助教○九月選監生張盤等五人隨侍皇太孫月給食米一石○十月又擢監生吳克聰

修立苗貫等十七人爲御史○十二月擢監生梁通爲河南按察使劉智爲副使○是年車駕北巡祭酒嚴復供事行在司業吳溥亦往朝以監丞梁里許署監事

○癸巳十一年正月擢監生劉廸爲四川按察使張岳趙彬爲副使章錄李清爲僉事○二月又擢監生李華等七人爲給事中黃文惠等八人爲御史錢博等十人爲中書舍人○十月再擢監生王自等二十九人爲六科給事中因天寒慮囚復撥監

生七十四人分道問刑照歷事考核○十二月又擢監生牛麟田綱爲給事中

○甲午十二年六月

皇太子擢監生孔克準爲工部主事以其爲先師後也尋進太常寺丞○是年車駕北征沙漠隨還軫北京凡擢用監生後不復書

○乙未十三年三月再試下第舉人續取二十四人並賜冠帶給敎諭俸送國子監進學以待後科○九月編類五經四書性理大全書成命吏部考第

繕寫監生高下悉官之

○丙申十四年召祭酒胡儼往署翰林院事未幾卽以楊士奇代之

○丁酉十五年賜國子監師生等宴鈔共七千一百八十二錠○四月胡儼復朝行在北京新宮成受賀也儼于直廬之西結草屋二間以俟朝命曰槐陰草堂賦詩紀之儼爲祭酒師範格端第每遇嘉祥必首獻頌賦應制直廬等詩尤高自誇謂清議微不滿焉

○戊戌十六年元宵節賜祭酒兼侍講胡儼觀燈遂宴于西苑應制賦詩○

上以永康侯徐安建平伯高福安鄉伯張安年少未諳禮度命入監讀書

○己亥十七年二月以湖州府授張子儀爲博士子儀臨江人明春秋舉進士經學最精且能古文辭學者多仰之○三月頒 御製爲善陰騭書于國子監是月儼還自行在

○庚子十八年二月頒 御製孝順事實書于國子

監○九月行在禮部奏南京各衙門印信當增南京二字于是本監印信亦封送行在換給新印○是年北京宮殿落成改北京國子監爲國子監  
○辛丑十九年二月太常寺贊禮郎杜忠還自京師將

上命祭先師遣國子監正官行禮胡儼釋奠祝文以

皇帝謹遣爲辭著爲令○三月以長洲教諭周岐鳳爲博士鳳初爲國子學正時以漢王高煦失德改

鳳爲紀善以輔導之鳳作箴規諷煦深嫉之構陷  
下獄

昭皇帝在東宮廉知其忤王也薄降教諭秩滿陞博士  
皇太子召見慰諭甚至尋丁內艱去服除薦陞兵  
部員外郎至 宣宗時乃引年致仕鳳事父母至  
孝睦族有恩三從十指共爲一爨子敘官翰林學  
士○六月禮部言北國子生歲益多學舍不能容  
請以南人悉歸南監

○壬寅二十年陞國子助教徐善爲左春坊左司直

善宇述古天台人達于經學且工詩初以薦校桂陽學正秩滿陞助教立簿籍以稽課業因參別其人之高下諸生競勸仁宗卽位追念輔導功而善已歿追贈太子少師謚文肅

○癸卯二十一年

○甲辰二十二年七月

仁宗登極十月將冊立

皇太子以助教王讓爲右贊善尋陞左庶子讓字宗禮益都人幼勤敏端恪有至性讀書日積寸其



爲國錄也。施教必以孝爲先。侍太孫讀書。首陳堯舜之道。惟在孝弟。太孫敬而愛之。宣德初。拜吏部右侍郎。○命辦事六科監生吳信等皆拜給事中。先是詔國子生有學術者六十人。俾翰林院嚴試之。拔其尤者二十人。試事六科。至是授職。○按此法蓋卽歷事之意。而推廣之。祖宗朝培植國士。不次登進如此。○查國初辦事各衙門者。幕仍歸號舍。蓋恐在外生事。且近狎邪也。因之立點內簿。今惟入班則點卯。旣撥歷則去橋門如脫屣。

矣古法難復豈止一端已哉○十一月諭禮部郡  
縣貢士必通經有寔學者乃得充貢

辟雍紀事三乙巳一年

宗

洪熙乙巳元年正月建弘文閣改國子博士陳繼學

錄楊敬爲編修輪班奏對○賜祭酒胡儼誥命○

二月儼以疾乞歸加授太子賓客致仕復賜敕獎

諭敎初以乙榜授華亭諭抗師道訓勵諸生各敦

行簡講經史寒暑不輟丁內艱補長垣乞便養親

改除千厓制城知縣御史大夫練安薦有天人

學命吏部擢用 文皇卽位擢詞林官解學士籍

復力薦之遂授簡討典籍等七人同直內閣備顧

問應對從容復反覆詳切後以同官不悅薦儼有  
學行堪爲師表遂陞祭酒解附務寔遠之也然雖  
出內閣凡朝廷大制作洎實錄大典必推總裁焉  
歸田後復修白鹿書院倡道明理家食廿餘年年  
八十三乃卒謚

○陞刑部簡校宋琮爲國子

助教琮字萬鍾泰和人洪武丁丑中禮闈第一賜  
進士出身名又在高等無何西北人訐奏劉三吾  
取士不公并琮亦呈于法戍威虜衛永樂初赦還  
被薦起刑部簡校充同考官所得皆名士秩滿擢

今職其教一以敬爲主諸生有跛跣不正者必呵責之滿考陞翰林簡討仍管助教事四載乃引年致仕○三月改禮部左侍郎胡濙爲太子賓客兼南京國子監祭酒

上決意復都南京仍以北京爲行在復頒國子監舊印而收其新印貯之○四月祭酒胡濙到任修飭籩豆大新鼓鐘一時赫然改觀○七月

章皇帝卽位纂修

仁宗實錄助教李山觀與焉

上諭吏部比來國子生務寔學者少固志趣卑下亦  
繇師範失職而然今國子監官率循資陞級不開  
舉有道德老成之士謂太學何自今其慎選以充  
○八月以教諭訓導多闕員選舉經學精通堪爲  
師表者得監生王煥等二百八十八人送行在翰  
林院考選○十月定南直并國子監解額共八十  
名○復祭酒胡濙禮部左侍郎兼職如故濙遂朝  
于行在

辟雍紀事四丙午至乙卯凡十年

宣宗

宣德丙午元年三月行在翰林院考就教監生中式者一百三十四人俱送吏部銓除教職不中式一百五十四人例當充吏

上命皆復監讀書內有經撥歷事者仍復歷事俟再考不中乃充吏○四月留南祭酒胡濙管部事遂陞尚書先是仁宗以濙在永樂中曾奉命觀察監國事意疑之改爲南祭酒一日從宮中簡章疏得公密奏七事云太子誠敬孝謹無他大喜謂

漢忠慎將大用之而駕崩不果至是上察其忠誠故有是命漢平易寬和歷事五朝幾六十年

十知禮部貢舉累階至太傅年八十九卒謚忠安

○七月召四川按察使陳璉改南通政使掌南國

子監事到任未幾卽以艱去璉字廷器廣東東莞

人以鄉舉初爲桂林教授遷國子助教永樂初廷臣

薦璉有治才擢知許州改滁州以寬仁爲治民用

大和陞揚州知府滁人請闕請留仍掌州事在滁

十年擢四川按察使會吏部稱璉素有文學乃召



改是職後歷陞禮部侍郎○九月司業吳溥卒溥  
爲人清慎造次不苟其教學者必使致力本原每  
晨五鼓坐堂視諸生所習爲之講說懇懇不倦終  
日危坐未嘗有怠容學者皆心服之一日設宴公  
堂笑語如平時酒闌得風疾昇歸遂卒所著有古  
崖集子與別以道學致微授左諭德力辭學者稱  
爲康齋先生○博士孫貞署監事

○丁未二年准工科給事中郭永清奏將南京坐堂  
監生二百名赴北監相參取撥以疏壅滯○七月

以翰林院侍講陳敬宗爲司業掌監事敬宗入謝  
上曰侍講清華之職司業師表之任秩雖未崇其任  
至重亦可謂儒者之榮矣敬宗字

慈谿人

○戊申三年頒 御製國子監官箴○四月命工部  
修理國子監并查理廩膳柴薪之不周備者○七  
月司業陳敬宗奏言三事一定歷事之期以均勞  
逸二散久積之書以賜諸生三定膳夫之額以供  
會饌皆從之

○巳酉四年四月准御史張純奏取年深監生鄭雍

等赴行在吏部選用○五月擢監生張玉韓偉爲  
行在御史○七月故大理寺卿湯宗子沐乞恩入  
監讀書從之職官恩蔭始此

○庚戌五年六月博士孫貞解任回籍大學士金幼  
孜賦詩榮之○九月吏部題國子監官九載考滿  
者舊例俱復職增俸

上命皆陞職量加翰林史職仍理敘事

○辛亥六年四月助教郭俊李山觀俱以九載考滿  
陞簡討管事○八月司業陳敬宗考滿赴行在九

月復任

○壬子七年二月行在國子祭酒貝泰願於南京關支俸米分回原籍養親供祭從之

○癸丑八年閏八月令天下生員年四十五以上者考送國子監時言者以士子在學多業未成不得進用故有此令此卽選貢法兼限年而行之蓋重老成也

○甲寅九年十月陞司業陳敬宗本監祭酒

○乙卯十年正月

一上晏駕

英宗卽位○四月故光祿寺卿張泌子方進香至行在  
奏請入監讀書許之自是陳乞紛紛非有特恩不  
具錄矣○八月准北國子監具奏奏候選監生皆  
撥歷年遠銓除之日大半齒衰宜于南北二監選  
取盛年堪任者以克職于是選通經監生四百人  
送詣行在○十一月北監會官簡選監生汰去二  
百三十六人

英宗

辟雍紀事五丙辰至己巳凡十四年

正統丙辰元年正月二日文武百官謁先師退會

葵倫堂與祭酒以下官交拜遂燕于東堂陳敬宗

有詩紀事○敬宗奏言前吏部考除教職監生多

僥倖選列不稱師模今後乞量寬鄉試額以乙榜

補之庶幾誨導得人賢才無滯詔從之○二月上

丁陳敬宗祀先師恪恭恭肅凡傳鼎灌漑必親

之因作祭孔子頌太常卿魏驥亦賦詩紀事焉○

擢國子學正莊觀爲陝西提學僉事觀字居正歙

縣人自少英敏篤學制行不苟永樂中領鄉薦高等授義烏訓陞辰溪諭宣德五年以教績最陞國學正所至皆以身教會選學行老成之臣專董學政遂有是擢後進副使致仕觀之在國學也祭酒敬宗性嚴峻官屬鮮所稱許獨器重觀子猷亦登進士○閏六月命祭酒考定兩廡從祀名爵位次○是年有下第解元楊鼎當入北監自言願就敬宗不携一童以往清苦力學怡如也有郡守欲妻以女敬宗與兵部尚書徐琦主其事鼎竟以不告

而娶謝之後正統四年舉南宮第一廷試第二乃  
歸娶時年三十矣

○丁巳二年十一月學錄李奎以考滿至行在被薦  
擢監察御史奎字文明弋陽人自少端醇博通經  
史領鄉薦爲廣昌諭遷學錄溫厚待士士樂歸之  
爲文汪洋浩瀚亦復有典有則敬宗每推爲杰作  
其爲御史所至有聲後歷陞河南及畿內巡撫于  
此亦登進士

○戊午三年陳敬宗考績至行在准復職五月賜誥



命還南○七月敬宗以撥歷參差多有給假違限  
捏算年月混撥以致坐堂日久者反壓于後申飭  
清楚并抑奔競及濫求雜職者

上命亟行之虛曠有罰自此始

○已未四年命選用監生文學優長堪任師儒者三  
百人遣吏部尚書黃宗載禮部侍郎陳璉會同祭  
酒陳敬宗試其經藝宗載等俱館于彝倫堂之東  
廳試法一如棘闈故事集諸生一千九百人合試  
于大成門內之丹墀委博士王積等考其合程度

者遵額數送吏部選用

○庚申五年六月敕諭北京國子監官監學常行之  
規不許墮廢撥厯事者必依資次不許攬越辦事  
者必須公當不許徇私有私相囑托聽從而不奏  
聞者必罪不恕行南京一體遵守時北祭酒貝奉  
以賄敗故有此諭○十月祭酒陳敬宗奏增解額  
尚書胡濙議以爲正統六年天下例當鄉試順天  
府已增至八十名應天府宜如所請量增  
上以應天府多監生入試再增二十名共百名○是

年復以天下放職多闕選監生能作三場文字者  
考選充之于是吏部右侍郎趙新禮部右侍郎陳  
璉復請監同敬宗考選

○辛酉六年陳敬宗復以六載考滿請行在因奏釋  
某牲禮不備廟學修葺不時書籍敝闕不能完補  
皆臣等奉職無狀合行所司及時修舉

上從之敬宗因請歸祭掃闕學諸公會饌于東郭草  
堂賦詩燕飲盡歡而別都門傳爲盛事云○閏十  
一月以李時勉爲北祭酒勉名懋以字行安福人

永樂二年進士爲祭酒崇廉耻抑奔競別賢否示勸懲一徧朔安定教條隨材造就待諸生恩義兼盡人人德之于是有南陳北李之日

○壬戌七年七月北祭酒李時勉言歷事監生宜以坐堂年月深淺循序撥歷其省親祭祖丁憂俱不准作月日庶可以革風弊

上命禮部丁憂省祭一二次已復監者照前准作坐堂月日自正統六年十一月後俱不准算并行南監遵之未幾卽有監生唆禮科給事中胡清奏丁

憂省祭不作坐監月日將來無知之徒挨次取撥  
必有匿喪不舉者 上惑其言禮部終持前議寢  
之

○祭亥八年

○甲子九年春北京新建太學成

上行幸祇謁 先師行釋奠禮先是太學猶仍元陋  
卽順天府學而稍增飾之草昧經營百制未備適  
有大興隆寺之役費以億萬吏部主事李賢抗疏  
謂學與寺孰重請改新之太學始整○五月太監

上振矯旨逮北祭酒李時勉同司業趙琥荷較監  
前旣而釋之先是議改建太學上命振往視工  
時勉待之不加禮及振生日勉又不往賀振卿之  
欲廉其過無所得冀倫堂前有大樹陰翳妨諸生  
班列勉令稍去旁枝振遂聲聞以愷斫官樹入私  
家傳青柳示時勉年七十矣方坐東廂考業官較  
符至勉不動容徐捲卷起免冠受枉枯諸生司馬  
詢等千餘人皆伏闕號請有石大用者獨奮然請  
以身代會事聞于皇太后乃得解大用繇此知

名大用蘇州人卽以是秋得雋○七月陳敬宗復以九年考滿至京復職遂還任敬宗考績至京振慕其名欲一見終不得適巡撫周忱至振以敬宗同年微露其意忱詣敬宗達之敬宗曰吾忝爲人師表而謁中貴何以見諸生忱乃復振曰陳祭酒書法極妙以求書爲名先之禮幣彼必來報謝振乃遣彩段羊酒求書程子四箴敬宗走筆書之而反其禮幣竟不往見○是年南院員缺日久命助教向惟善帶簡討銜往署院事至丙寅六月乃還

其亦異數也

○乙丑十年

○丙寅十一年三月太師英國公張輔等奏請北國  
子監聽講

上許之侯伯二十餘人偕往祭酒時勉命諸生立講  
五經各一章講罷設酒饌命諸生歌鹿鳴之章諸  
侯伯皆讓坐惟英國耆年得與祭酒抗禮餘皆列  
侍賓主雍容竟日乃罷

○丁卯十二年春北祭酒李時勉乞致仕以蕭鑑爲



北祭酒陞教諭趙魯爲南典籍魯字尚確山陰人  
宣德初膺鄉薦署教諭事秩滿不調恬靜自如至  
是乃轉國籍川端坐觀書較對梓刻詭譎陳敬宗  
謂人曰趙尚確仕不近利學不近名對之坐譚簡  
澹有味久之遷典籍勤敏盡職引年致仕行李  
蕭然惟業書數百卷而去

○戊辰十三年

○己巳十四年兩京祭酒奏乞我朝 御製太

書頒賜太學

上命與之○八月

上北狩○九月

景皇卽位○十二月令南直隸府州縣歲貢生員俱入  
北監讀書仍行南監取撥坐堂日久監上一百人  
轉寄北監相參撥歷以示適宜

辟雍紀事六庚午至丙子凡七年

景泰庚午元年六月詔以造園孔棘生員納粟納馬  
者許入監讀書限千人而止茲按納例始此其後  
濫觴遂不可壅收甚有援此以賑饑按此以濟大  
工俱名爲傳奉事例生員不已遂及民間而葬倫  
堂竟爲錢虜貿易之地惜哉○十月南祭酒陳敬  
宗以年七十奏請致仕許之以侍講吳節爲南祭  
酒節字與儉安福人宣德庚戌進士其遷祭酒也  
北祭酒蕭鑑送行有序云大司成父師之職扶至

清且尊也而其寔有不然者一人之身而簿書錢穀有司之事皆備生徒往往舍筆研而事奔走甚者挾利害以相要雖欲矯然自立不可得安在其爲清且尊也倘亦有感而言與○是年原任北祭酒李時勉卒勉少有大志七歲小學四書皆成誦成童卽以顏曾自勵長益肆力問學刻苦攻經史攷庶吉士授刑部主事召入修書進翰林侍讀十一年以三殿災條上十五事議擢下獄二十一年得釋復原官 獄陵卽位復有疏諫留中不知所

拈 上怒甚命力士縛至便殿拷十八瓜折肋幾  
死明日改監察御史又明日復下詔獄宣德元年  
一 恨公言憊獨 皇考怒令縛來而鞠未至隨命王  
指揮縛斬西市指揮出端西旁門公已爲先輩使  
者縛入端東旁門門中相左公以得見 上比王  
指揮再入公已脫柱牀復官矣預修實錄進侍讀  
學士正統三年進學士尋陞祭酒是時只祭酒罷  
西楊甚難其人遂以屬公公在監節縮餐錢贍給  
諸生貧不能婚病不能醫歿不能葬者皆厚卹之

督諸生讀書寢興有常燈光達旦書聲不絕恩義  
猶父子然方荷較時諸生呼搶請救不啻身蹈湯  
火得解致仕諸生復涕泣奔送之觀者塞途商賈  
爲罷市後聞北狩之信北向頓首長號隨上疏請  
迎參暨復仇雪耻數事卒年七十七謚文敏成化

中贈禮部侍郎改謚忠文

○辛未二年南祭酒吳節條陳國子監事宜首欲作  
興士類修理學舍內并及會饌事云膳夫三百名  
餉以囚充近因囚徒日鮮供役不足宜如北監事

例以糧食兼撥并減省光祿寺牧豕之差以甦役  
困從之於是應天府緝審均徭人戶充當百名其  
二百名用囚徒如故辟雍禮樂之地使囚徒供埽  
除甚非體也○吳節又奏稱本監紅倉二十餘囤  
乃

慈皇后積糧以嘉惠監生之有家室者蘆蓆苦蓋易  
于朽敗宜易以陶瓦庶使懿德遺愛于萬年

上念浩費勞民止行工部修葺如舊○三月陞北祭  
酒蕭鑑爲戶部右侍郎兼翰林院學士入內閣叅

機務錄江西泰和人○祭酒缺出徐有貞意欲得之托門生楊宜請之于少保少保曲意從之因中使言于

上七日退朝宣少保至文華殿諭之曰有貞立心奸宄雖有才華豈堪祭酒少保默然無所置對惟叩頭謝過而已有貞竟以此銜之○九月南博士王欽考績至京命加簡討掌監丞事舊例九載始加擢欽之遷前此未有也欽字希稷泰和人冢宰直之子在國學能躬韋布之行錚錚不愧師表文



學尤通敏學士李紹諧行詩有九重天上論功最  
八座堂前慰起居之句○十月命南京工部會同  
總督機務王驥佑修殿廡倉舍從祭酒吳節之請  
也

○壬申三年十月吏部移文兩監令祭酒舉保放官  
文學優長才行超卓者擢用又有舉人例當陞用  
亦指陳實跡奏聞後如犯賊連坐舉主○十二月  
博士劉昭考滿陞簡討管事

○癸酉四年七月禮部郎中章綸建言時務欲止納

栗以抑僥倖吏部尚書王直禮部尚書姚夔深韙  
其說終格于邊用不足不能行○十二月修理工  
成請翰林院官撰述碑文以紀其事大學士陳循  
奉敕屬草○是年劉鉉爲北祭酒一日傳將易儲  
諸司無大小皆勸進司業某言于鉉鉉曰此事所  
關甚大若國子監勸止則可勸進則不可乃已後  
英廟復辟閱諸司勸進疏獨無國子監名問徐有貞曰  
祭酒何人貞以鉉對

上卽召見文華語鉉曰卿可還傳東官乃擢少詹事

後銓卒謚文恭以官傳故錄其子祭官至尚書少卿

○甲戌五年祭酒吳節考績如京南掌院學士邢寬署監事○十月汝陽大長公主孫謝琰乞恩入監許之自是郡主子孫亦紛紛陳乞後槩革不行○監丞王積三年考滿赴京

上命署掌南院先是掌院者皆詞垣耆碩積自太學擢掌院事人皆異之積初起家儒士除訓導○是年北京隆福寺成車駕擇日臨幸夙駕除道太學

生楊浩上疏言陛下卽位之初首幸太學海內之士聞風快睹今又棄儒崇佛豈可垂範後世會儀郎章綸亦上言

上覽疏卽日罷行浩遂名震京師後除授河東運判  
再轉知順德府官至都憲○先是又有太學生西  
安姚顯疏言大興隆寺本王振竭民膏血而成崇  
信佛教梁武足鑒前車豈可不時臨幸合行拆毀  
以其材備學宮修理之用疏雖不行當時亦難重  
之

○乙亥六年三月後湖查理黃冊取撥監生六百名  
時坐堂人少移文取依親監生以足之

○丙子七年二月祭酒吳節編南雍志成

上命祭酒旌別屬官吳節薦助教馮瑤等擢用○往  
例監生坐堂三年例當省祭今查撥歷期近者許  
存留從雲南生張輔之請也是年雲南貢生改送  
北監

英宗  
復辟

辟雍紀事七丁丑至甲申凡八年

天順丁丑元年南祭酒吳節六年考滿復職還任○  
三月令兩京年淺監生及下第副榜舉人歲貢生  
初入監者悉放還依親以俟取用欲樽留京儲爲  
預備也○十月禮部議今後在京三品以上官員  
之子奏願入監讀書者務要科目出身不許歷事  
其非三品子孫不得乞恩著爲令

○戊寅二年四月監生錢錫等奏言父祖先任中書  
員外等官正統末年迤北陣亡蒙錄入監照官生

事例坐監十年夫沒王事與父祖在任者不同乞  
照依舉貢監事例出身禮部覆奏年二十以上者  
循次撥用年少者仍在監讀書○是年令監生清  
黃以三年爲限送吏部選用

○已卯三年致仕南祭酒陳敬宗卒時年八十三矣  
敬宗登永樂二年進士選庶吉士授刑部主事明  
習法律練達時政永樂十二年預修五經四書性  
理大全入史館重修高皇實錄成改翰林院  
掌講內銀去宣德改元版闕起修兩朝實錄轉南

國子司業尋陞祭酒久居太學懷直規條痛革舊  
習日勵諸生進德修業一時贊宗之政肅然先後  
官太學二十餘年諸生多位至卿貳公久不謂意  
豁如也公好飲雖酩酊不失容用方介潔不見喜  
愠引年致仕家居不輕出入有被延接者雍容談  
論莫不感發興起別號澹然居士有詩文十八卷  
行世公素工詞賦初改侍講獻北京賦又有平胡  
頌爲善陰陽頌卿雲甘露頌龍馬騶虞賦及元夕  
觀燈應制詩皆膾炙人口



○庚辰四年南祭酒吳節九年考滿議欲更代之而難其人復令視事如故○八月令三品以上官子孫入監不許自行陳乞

○辛巳五年三月令天下生員年四十以上者考選送監按祖宗朝行此令者以拔科目所遺不使天下有伏才之歎耳乃後因闕用不足開納累上馬等例而此法反格科貢外別開選途而人才愈壅銓法益壞矣今若停止事例則此法宜復

○壬午六年南國子監興工修理祭酒以下視事于

觀講堂○北國子祭酒劉益下獄相傳爲言事忤  
旨未得其詳

○癸未七年六月南監工成

○甲申八年正月

純皇帝卽位○八月纂修

英廟實錄召南祭酒吳節改授太常寺少卿兼侍讀學  
士充副總裁官節以春秋學著名當世鄉薦第一  
會試第二繇二甲進士高等選讀中秘書其出放  
南祭者凡十三年初陳敬宗以嚴毅立敬晚年士

愈苦之節一切反之以寬後士風不古或以咎節  
節曰書云敬敷五教在寬禮謂嚴師非師自嚴乃  
上之人嚴敬之也訖不變終本寺卿卒年八十有  
五○十月以左贊善劉俊爲南祭酒俊字世英賓  
雜人中正統乙丑進士

辟雍紀事八乙酉至丁未凡二十三年

憲宗

成化乙酉元年三月

上幸太學行釋奠 先師禮○四月少詹事署北祭酒司馬詢言官吏丁憂俱以二十七月起復監生乃忽增繇服之限相應除革庶禮有節文監無虛曠

上允之南北著爲令詢先爲國子生倡首教時勉者○是年復令生員納糧納草納馬俱准入監

○丙戌二年正月追封從祀諸儒董仲舒廣川伯胡

安國建寧伯蔡沈崇安伯真德秀浦城伯○八月  
以庶子邢讓爲北祭酒時廣東新會舉人陳獻章  
下第游太學耶祭酒一見奇之試以楊龜山此日  
不再得詩一時名動都下卒業歸遂隱白沙從吳  
康齋先生游一意求伊洛之學竟謝公車不赴後  
強應徵授翰林簡討卒謚文恭與吳與弼並從祀  
○是年令兩京監生聽禮部都察院堂上官同  
祭酒考選其老疾猥陋不堪者給冠帶原籍閑住  
○丁亥三年三月吏部奏准在京三品以上官員子

孫許廢一人送監讀書仍照監例出身有志科舉者聽不必限以科目若大臣果有勤勞于國出自~~恩~~錄用其子孫者不在此限任子之法至是三變矣按國初文官一品至七品皆得廢一子正一品子正五品敘用其下以次爲差宣正間始爲限制非三品不得廢後雖三品非考績覃恩敘功亦不得廢然國初必試經書通大義乃得授職不通者發回習學俟再試故恩溥而無濫今則惟論官階試法等故事矣夫前代名臣儘有起家門廢者

如李德裕輩今豈遂無人非桂別何以示勸○國  
朝重科目一途任子多不得大位獨燕府左長史  
朱忠定公復先以二品歷後以五品終任子游爲  
北京刑部尚書二品禮部左侍郎儀文簡公智三  
品任子忠襄公銘至太子太保兵部尚書一品翰  
林學士呂文懿公原五品任子憲至南京太常寺  
卿三品少詹事劉文恭公鉉任子榮至太常寺卿  
掌尚寶司三品浙江按察司副使陶公成四品任  
子魯至廣東右布政使二品南京工部右侍郎黃

文毅公孔昭任子綰至禮部尚書兼翰林學士二  
品江西按察司副使許忠節公逵四品任子瑒至  
錦衣衛指揮使管衛事三品右副都御史孫忠烈  
公燧三品任子堪至都督僉事二品堪任子璉至  
都督同知一品品秩皆過于所自一奇也儀銘累  
任翰林又以尚書掌府黃綰爲詹事學士咸陽清  
華之選二奇也儀贈官至特進左柱國太師階勛  
位秩遂冠人臣三奇也陶復轉鑒子孫至錦衣千  
戶世襲四奇也其餘清華之秩如國子監祭酒宋



公諱子復祖廕國子司業吏部左侍郎兼翰林院  
學士曹公鼎子思廕翰林院編修文淵閣大學士  
胡公廣子堉尚書金公忠子達廕俱翰林院簡討  
達改給事中至兵科都給事中禮部尚書呂公震  
子熊侍郎儀公智子銘銘子泰兵部尚書劉公儒  
子奎陳公洽子樞吏部侍郎俞公山子浩廕俱給  
事中皆以非常典遇之 今上率祖攸行事事法  
古徵聘辟舉非止一端如推知考選詞林部局改  
授臺省許自表以明登拔置西臺暫代之以乙榜

位登垣諫不可不謂隆遇矣何獨至于任子而不  
然乎無奈爲當事者掩抑坐致限于資格而不得  
錫肩吐氣也爲之三歎○十月改南祭酒劉俊爲  
南左通政俊性通敏而疎脫遂致言官論劾○十  
一月以學士周洪謨代之洪謨字堯佐川長寧人  
與商輅劉俊聯名甲科

○戊子四月南祭酒周洪謨奏欲復會饌之禮詔下  
部議○詔令監生願就敎職者必嚴試三場始准  
其納馬納粟等項及未經科舉者俱不得濫與又

詔監生願告就襍職者俱不准○北祭酒邢讓去  
任以陳鑑爲北祭酒

○己丑五年吏部尚書李秉奏天下庶職不稱繇諸  
監生冗襍請以貌言書判四事分爲三等有三者  
居上二者居中一者居下下者量給冠帶終身此  
議雖可行而人多怨之至大臣中亦有言其不便  
者給事中蕭彥莊劾之遂落太子少保致仕北祭  
酒陳鑑賦詩送之有古道自無三黜愠直臣又見  
一番歸之句天下傳誦焉○祭酒陳鑑疏言監官

曾經考滿果才堪政事者量陞長史知州同知以  
示激勸命下部行之此監官外轉之漸也雖欲用  
之實抑之矣

○庚寅六年七月周洪謨奏修紅板倉悉用椽瓦○  
是年申令復班監生起送文憑務繇本省或路不  
繇省許于本府給文

○辛卯七年正月北祭酒陳鑑司業張業並坐事除  
名改周洪謨爲北祭酒以耿裕爲北司業漢掌兩  
監多所建自洪在南也承劉俊之後學規墜弛力

爲振興士類肅然憚之後歷陞禮部侍郎尚書竟  
以言事被論去卒謚文安○裕爲清惠公之子景  
泰五年進士爲庶吉士除工科給事中以清惠在  
內臺復收簡討石亨銜清惠并謫公判定州 苑  
廟登極召還翰林至是轉司業誨教有恩義時異  
姓諸侯年幼者肄業咸均公類古勸成言行可法  
者爲書校之尋陞祭酒後終吏部尚書清慎公平  
于渴斷絕銓法因之大振居家不營產業蕭然寒  
素蒼世濟其美云 清惠公名九疇任南刑部尚

書但直有聲○二月陞南學士王俱爲南祭酒  
字廷貴武進人景泰辛未進士第三人

○壬辰八年戶部奏准後湖查冊監生止許八百人  
爲率

○癸巳九年九月令荆襄四衛官軍取其半照舊制  
漕運本監倉糧仍令御史巡察○十一月南祭酒  
王俱劾奏典簿楊傑出身吏員貪污有跡遂以不  
諱免後不得復用襍流因著令本監錢糧兼委博  
助廉謹者公同收支以防奸弊情管之法始此

○甲午十年二月令公侯伯初襲授者送監讀書習禮祭酒一依學規教之急惰不率者奏聞○四月駙馬都尉馬誠乞錄其兄誥爲國子生許之都給事中霍貴劾誠狎恩蠹政誥妄與官職宜俱逮之上以旣准入監姑貰其罪後不爲例○八月南京守備太監奏言辦事監生應照先年例減年附選吏部覆議仍以八年七年爲率蓋內府辦事多不肖子依爲捷徑故特嚴限之

○乙未十一年八月南祭酒王慎考滿至京請病不

許遂復任仍賜誥命以寵之○十一月以監生丁憂月日既爲虛曠服滿復班每坐堂三日加一日謂之加丁以杜告擾且憫其情也後遂爲例

○丙申十二年十二月陞周洪謨爲禮部右侍郎時湖廣節餉間多流民安集頗艱往往聞聚爲亂洪謨因著流民說建議米之乃設節餉撫治焉

○丁酉十三年正月詔增孔子誕辰樂舞之數遣兵書兼翰林學士商輅告于文廟二月上丁仍用八典以災異自陳休致不允



○ 四年二月陞翰林學士丘濬爲北祭酒濬  
廣東瓊山人博學強記世無與倫時士子爲文奇  
怪相高濬痛抑之文體乃復歸渾厚

○ 已亥十五年正月南祭酒王慎令監生編輯本監  
條例分吏戶禮兵刑工爲六類四閱月乃成○十  
一月詔監生歷滿不願出仕者授以正七品職銜  
依親坐堂授以正八品職銜俱冠帶閒住有司以  
禮相待

○ 庚子十六年進北祭酒丘濬禮部右侍郎仍掌監

事

○辛丑十七年南祭酒王俱請修理國學

上命先將倒塌甚者修造不急者暫停○四月南京地震御史陳金并不職大臣宜免因及祭酒王俱吏部仍覆留治事

○壬寅十八年二月南祭酒王俱秩再滿陞南吏部

右侍郎

俱爲祭酒風禾峻堯教法修整士皆凜爲

嚴師後終吏部尚書謚文肅俱嘗推其三品恩蔭  
侄澄後子沂亦登進士仕副都御史○四月陞南

太常少卿劉宣爲本寺卿掌南園子監事宜字紹和安福人景泰辛未進士○七月令歲貢監生方啓等一百七十八人回籍依親候行取復監因坐班人衆廩饌不足故也○是年琉球國中山王遣陪臣子蔡賓等五人入監受業

上命應付舟車腳力合用什物及冬夏衣俱移文南監查例行○十一月掌南監事劉宣奏琉球官生束脩有白金一斤辭不受夷生亦以白

上命宣受之查敬一亭後舊有光哲堂蓋夷生受

書之所今廢

○癸卯十九年九月清理監生先是掌南監事劉宣奏繫籍太學者凡一千七百十六人而實坐班者不過五百八十八人令行文原籍清理故有是命

○甲辰二十年秋以陝西等處饑荒復令天下生員納粟入監

○乙巳二十一年掌南監劉宣奏國學圯壞已極猶未興工

上命南京工部舉行

○丙午三十二年七月改派膳夫百名于蘇松常徽  
寧五府以糧僉充用○十月掌北監事丘濬進大  
學衍義補遂擢禮部尚書掌詹事府事尋進大學  
士加少保卒謚文莊○復起陳鑑爲北祭酒尋爲  
詹事彭華訐去以費閭代之○十一月賜掌南監  
事劉宣誥極其崇獎未幾陞吏部右侍郎宣故戍  
籍幼自生員補盧龍衛軍領庚午順天鄉試第一  
辛未舉進士繇中祕累至今官其爲祭酒也修立  
教條尤加意賻卹士大夫咸稱之終禮部尚書謚

文苑

○丁未二十三年正月陞南掌院徐瓊太常寺卿掌  
南祭酒事瓊字時庸金谿人天順丁丑進士○上  
元節

上將于萬歲山架棕棚以備登眺北國子監生虎臣  
上疏極諫遂罷之臣愚用麟遊人慷慨有氣節貢  
入大學聞將架棕棚遂抗疏諫上奇之祭酒問  
不知也懼其賈禍乃會六堂鳴鼓聲罪即當鎖項

司官校宣臣至左順門中官傳溫旨勞之

人也持柵卽拆卸矣命吏部卽與七品正

官聞聞而大慚臣名遂播天下○八月

敬皇帝卽位○是年以北監南人數多令下第舉人先  
告入南監者及新中舉人放回依親者悉送北監  
讀書又因兩監差撥不敷將依親回籍者通取到  
監